

ԳԻՏՈՒԹՅԱՆ ՎԱՍՏԱԿԱՎՈՐ ԳՈՐԾԻՋ

(Խ. Ս. Սարգսյանի ծննդյան 70 և գիտական գործունեության 40-ամյակի առթիվ)

Խորեն Սարգսյանի անունը լայնորեն հայտնի է մեր ուսուցիչական գիտական ու գրական հասարակականությանը։ Նա անցել է գիտական-գրական գործունեության երկար ու բեղմնավոր ուղի՝ ստեղծելով նշանակալից և բնագծապես ճանաչման արժանացած վաստակ՝ թե՛ գրականագիտության ու տեքստաբանության և թե՛ գրական քննադատության ասպարեզում։

Խ. Սարգսյանը մեր ուսուցիչական հնագույն գիտական աշխատողներից է։ 1921 թ. Քարվից տեղափոխվելով Նրևան, նա աշխատանքի է անցնում սովետահայ առաջին գիտական հիմնարկում՝ Հայաստանի գիտության ինստիտուտում։



Ստեղծելով ու կազմակերպչական ունակություններն առանձնապես բուռն կերպով են դրսևորվում Գրականության թանգարանում աշխատելու տարիներին։ Լինելով նախ րաժնի վարիչ, իսկ հետո՝ թանգարանի ղեկավար, Խ. Սարգսյանը քիչ քանի չի գործադրել հայ գրականության կլասիկների ձեռագրերի հավաքման ու գիտական մշակման, ինչպես նաև գիտության, գրականության ու արվեստի պրոպագանդան նպատակով ցուցահանդեսներ կազմակերպելու գործում։ 1936—37 թթ. նա ղեկավարել է Մարքսիզմ-լենինիզմի ինստիտուտի գրականության սեկցիան։ Հաջորդ տարիներից աշխատանքի է անցնում ՍՍՌԿ Գիտությունների ակադեմիայի Հայկական ֆիլիալի Գրականության և լեզվի ինստիտուտում՝ նախ սրբանոցի գիտական բարտեղար, իսկ ապա՝ ղեկավար։ Հայկական ՍՍԿ Գիտությունների ակադեմիայի ստեղծման օրից մինչև 1947 թվականը Խ. Սարգսյանը ղեկավարում է Գրականության ինստիտուտը, իսկ այժմ նույն ինստիտուտի հայ ճյուղի գրականության սեկտորի վարիչն է։

Արդասավոր է կոչել Խ. Սարգսյանի գիտական-ստեղծագործական գործունեությունը։ Մի քանի

առանցակի հասնող նրա աշխատություններն ու ուսումնասիրություններն ընդգրկում են հայ գրականագիտության մի շարք կարևոր պրոբլեմներ։ Նա գործոն մասնակցություն է ցուցաբերել հայ նոր գրականության պատմության ստեղծման աշխատանքներին՝ առանձնապես մանրակրկիտ հետազոտության ենթարկելով Ղազարոս Աղայանի և Միրայիկ Նալբանդյանի գրական ժառանգությունը, անցյալ դարի 50—60-ական թվականների հայ գրականության պատմությունը։ Հետաքրքիր ու արժեքավոր են Խ. Սարգսյանի «Լազար Տերյան», «Մ. Արեղյանը և հայ ճյուղի գրականությունը», «Մ. Նալբանդյանը և լեզվի հարցերը», «Մ. Նալբանդյանի գրական ստեղծագործությունը», «Ստեփան Զորյան. տասական թվականներ» ուսումնասիրությունները։

Խ. Սարգսյանը ակտիվորեն մասնակցել է սովետահայ գրականության զարգացման պրոցեսին։ Նա եղել է Հայաստանի Սովետական գրողների ֆեդերացիայի և «Գրական թերթ»-ի պատասխանատու բարտեղար, Գրողների միությանը կից գրական համալսարանի վարիչ (1935—36 թթ.)։ Հայաստանի Սովետական գրողների միության վարչության անդամ։

Խ. Սարգսյանը ճանաչված է նաև որպես հմուտ գրական քննադատ։ Նա հաճախակի հանդես է եկել մամուլում հետաքրքիր հոդվածներով, Հատկապես արժեքավոր են Ակսել Բակունցին, Ստ. Զորյանին, ինչպես նաև Հայրենական Սեփ պատերազմի շրջանին նվիրված հոդվածները։ 1946 թ. լույս տեսավ նրա «Հայրենական պատերազմը և գրականությունը» ժողովածուն։

Հատուկ ուշադրության են արժանի Խ. Սարգսյանի աշխատանքները տեքստաբանության ասպարեզում։ Նա մեր ուսուցիչական հնագույն տեքստաբաններից է և մեծ վաստակ ունի գիտության այդ մարզում։ Իր հմուտ, բարեխիղճ ու տրեպան աշխատանքով Խ. Սարգսյանը հսկայական ավանդ է ներմուծել սովետահայ տեքստաբանության հիմնադրման ու զարգացման գործում։ Նրա քննարկում են պատրաստվել և հրատարակվել հայ դասական հեղինակների գրական

ժառանգության բազմաթիվ նմուշները, Պ. Պոռշյանի, Ղ. Աղայանի անտիպ երկերն ու նամակները և Մ. Նալբանդյանի երկերի երկհատորյակը ուսեցրեն:

Խ. Սարգսյանը մեծ երախտիք ունի բանասեր-տեքստարանների ու գրականագետների երիտասարդ կադրեր պատրաստելու գործում: Նա երկար տարիներ Երևանի Պետական համալսարանում և այլ բարձրագույն ուսումնական հաստատություններում դասավանդել է հայ և ռուս գրականությունների պատմություն, ղեկավարել է մի շարք ասպիրանտների գիտական աշխատանքները: Չնայած պատկառելի տարիքին, նա այժմ էլ երիտասարդական եռանդով շարունակում է իր բեզմնավոր գիտական գործունեությունը նույնպիսի սիրով ու նվիրվածությամբ, ինչպես աշխատել է մինչև այսօր:

* * *

1961 թ. դեկտեմբերի 27-ին Հայկական ՍՍՌ Գիտությունների ակադեմիայում տեղի ունեցավ Խ. Սարգսյանի մեծարման երեկոն՝ նվիրված նրա ծննդյան 70 և գիտական գործունեության 40-ամյակին: Երեկոն ներածական խոսքով բացեց Գրականության ինստիտուտի դիրեկտոր Գ. Հովնանը: Հորեկարի կյանքի և գործունեության մասին հետաքրքիր զեկուցում կարդաց բանասիրական գիտությունների թեկնածու Ա. Խնճիկյանը: Այնուհետև ողջույնի խոսք ասացին՝ Հայկական ՍՍՌ ԳԱ Նախագահության կողմից՝ ակադեմիկոս Ա. Կարինյանը, Հայաստանի Սովետական գրողների միության կողմից՝ Հր. Խամբազյանը, Լեզվի ինստիտուտից՝ պրոֆ. Ե. Տեր-Մինասյանը, Գրականության ինստիտուտի սովետահայ գրականության սեկտորի անունից՝ Ս. Աղաբաբյանը, հայ հին գրականության սեկտորից՝ Ա. Սրապյանը, հայ նոր գրականության սեկտորից՝ Կ. Դանիելյանը, Գրականության և արվեստի թանգարանի կոլեկտիվի անունից՝ Գ. Ստեփանյանը, Մատենադարանից՝ Հ. Փափազյանը, Երևանի Պետական համալսարանի բանասիրական ֆակուլտետի կողմից՝ Ռ. Հարությունյանը, Արվեստի ինստիտուտից՝ Մ. Մուրադյանը, Քաղաքական և գիտական գիտելիքների տարածման ընկերության վարչության կողմից՝ Ե. Հովհաննիսյանը, Հնագիտության և ազգագրության ինստիտուտից՝ Ա. Նազինյանը, Պատմության ինստիտուտից՝ Հ. Ղազարյանը, Ակադեմիայի Հրատարակչության կողմից՝ Հ. Գալստյանը, Հեռակա մանկավարժական ինստիտուտից՝ Մ. Հյուսյանը: Պոետ Համո Սահյանը կարդաց հորեկարին նվիրված իր բանաստեղծությունը:

Վերջում ընթերցվեց Հայկական ՍՍՌ Գերագույն Սովետի Նախագահության հրամանագրերը և որոշեց Սարգսյանին գիտության վաստակավոր գործչի կոչում շնորհելու մասին:

Մեծարման երեկոն անցավ ջերմ ու սրտառուլ մթնոլորտում: